

**М. Грек**

**Сочинения преподобного  
Максима Грека**

**Часть 3**

**Москва  
«Книга по Требованию»**

УДК 304  
ББК 60.5  
М11

М11 **М. Грек**  
Сочинения преподобного Максима Грека: Часть 3 / М. Грек – М.: Книга  
по Требованию, 2021. – 240 с.

**ISBN 978-5-4241-8960-9**

Сочинения преподобного Максима Грека, изданные при Казанской духов-  
ной академии. Часть 3. Издание 2-е.

**ISBN 978-5-4241-8960-9**

© Издание на русском языке, оформление  
«YOYO Media», 2021

© Издание на русском языке, оцифровка,  
«Книга по Требованию», 2021

Эта книга является репринтом оригинала, который мы создали специально для Вас, используя запатентованные технологии производства репринтных книг и печати по требованию.

Сначала мы отсканировали каждую страницу оригинала этой редкой книги на профессиональном оборудовании. Затем с помощью специально разработанных программ мы произвели очистку изображения от пятен, клякс, перегибов и попытались отбелить и выровнять каждую страницу книги. К сожалению, некоторые страницы нельзя вернуть в изначальное состояние, и если их было трудно читать в оригинале, то даже при цифровой реставрации их невозможно улучшить.

Разумеется, автоматизированная программная обработка репринтных книг – не самое лучшее решение для восстановления текста в его первоизданном виде, однако, наша цель – вернуть читателю точную копию книги, которой может быть несколько веков.

Поэтому мы предупреждаем о возможных погрешностях восстановленного репринтного издания. В издании могут отсутствовать одна или несколько страниц текста, могут встретиться невыводимые пятна и кляксы, надписи на полях или подчеркивания в тексте, нечитаемые фрагменты текста или загибы страниц. Покупать или не покупать подобные издания – решать Вам, мы же делаем все возможное, чтобы редкие и ценные книги, еще недавно утраченные и несправедливо забытые, вновь стали доступными для всех читателей.



Серия Книжный Ренессанс

[www.samizday.ru/reprint](http://www.samizday.ru/reprint)



## I.

**ИНОКА МАКСИМА ГРЕКА ПОСЛАНІЕ КЪ НѢКОМУ ДРУГУ  
ЕГО, ВЪ НЕМЪ ЖЕ ТОЛКОВАНІЕ НѢКОИХЪ РѢЧЕНІЙ НЕ-  
УДОБЪ РАЗУМЪВАЕМЫХЪ ВЪ БОЖЕСТВЕННОМЪ ПИСАНИИ.**

Господину Ивану благоразумному и вѣрному другу  
радоватися!

Вѣмъ, яко вельми желаешь пріимати отъ мене,  
малыми ученнаго, наставленіе нѣкое кратко къ разуму  
нѣкихъ писаныхъ рѣченій, неудобъ разумъваемыхъ, ихъ  
же извѣстное недоумѣніе и самъ жадаю учиться и со  
сладостію пріялъ быхъ убо есмь, аще убо обрѣлъ  
быхъ нѣкоего презѣльна толковника сицевыхъ тайныхъ  
недоумѣній. Обаче елма божественно неложно есть  
обѣщаніе, подвизающее насъ къ сказанію къ чудес-  
ныхъ его и къ пользѣ слышащихъ, еже глаголетъ:  
отверзи уста твоя, и наполню я, сирѣчь, отрини вся-  
кія боязни и сомнѣніе и восхоти глаголати, яже на  
пользу людей моихъ, и азъ исправлю все, наполню  
бо умъ твой премудрости и разума високаго и твой  
языкъ воздвигну, аки бы кто бряцаломъ біеть гусли  
доброшумны: на томъ убо божественномъ неложномъ

обѣщаніи уповая и самъ, паче же повинуюся ему, прикоснуся сущимъ, паче достиженія моего, и твое доброе желаніе исполню, поелику Господь вразумитъ мя. Начну же, откудаже и праведно начати, отъ самаго сирѣчь перваго псалма, достойно взысканію немалу, еже въ томъ глаголемое: не тако, рече, нечестивіи, не тако, но яко прахъ, егоже отмѣтаетъ вѣтеръ отъ лица земли <sup>1)</sup>, таже приглаголетъ: сего ради не воскреснутъ нечестивіи на судъ и прочая <sup>2)</sup>. И аще сиче есть, како убо самъ Господь глаголетъ во святыхъ евангеліихъ: и соберутся предъ Нимъ вси языцы, и разлучитъ ихъ другъ отъ друга, и прочая <sup>3)</sup>? Како убо соберутся предъ Судіею вси языцы, елма убо не воскреснутъ нечестивіи на судъ, ниже грѣшницы на совѣтъ праведныхъ? Яко вси встають и нечестивіи и грѣшницы, явлено и отъ иныхъ многихъ показаніихъ, и наипаче отъ нихъ же самъ Владыка объявляетъ, глаголя: и изыдутъ сотворшеи благая въ воскресеніе животу, а сотворшеи злая въ воскресеніе суду. Еда убо противословіе сиче вся суть? да не будетъ. Но яко воскреснутъ убо нечестивіи и грѣшницы, но не въ воскресеніе животу, но въ воскресеніе суда, сирѣчь, не да наслѣдствуютъ животъ вѣчный, якоже благочестивіи и праведніи, но да яко суду праведному бывшему о нихъ осудятся, слышаще оно: идите отъ мене проклятїи во огнь кромѣшный, уготованный діа-

---

<sup>1)</sup> Псал. 1, 4.

<sup>2)</sup> Псал. 1, 5.

<sup>3)</sup> Матѳ. 25, 32.

волу и аггеломъ его <sup>1)</sup>), якоже и индѣ божественный пророкъ объявилъ есть, рекъ: да возвратятся грѣшницы во адъ, вси языцы забывающіи Бога <sup>2)</sup>). Двоимъ же нѣкоимъ о сихъ учими бываемъ досточюднымъ догматомъ, яко и даже до втораго пришествія судіина во адѣ держими суть нечестивыхъ души и грѣшныхъ, яко паки тамо возвращаются, да во вѣки мучими бывають. Гдѣ убо суть глаголющіи безъ ума огнемъ чистительнымъ очищаемымъ душамъ грѣшнымъ переходити въ животь вѣчный? ниже бо во время, еже прежде суда много минувше, чиститися возмогша, ниже по еже во адѣ возвращеніи очищенія прочее получаютъ, отъидуть бо, Судія глаголетъ, грѣшницы въ муку вѣчную, а не въ привременное очищеніе, а праведницы въ животь вѣчный, а не огнемъ очистительнымъ получившее сего, якоже латинская блядь утверждаетъ, послѣдствующи Платону еллинскому философу и Оригену, ересемъ начальнику, но всякою правдою и святынею и дѣяніи боголюбивыми Судіи угодивше, якоже самъ о нихъ свидѣтельствуеть, глаголя: взалкахъ бо ся и дасте ми ясти и вся, иже по ряду, боголюбная ихъ исправленія исчитая. Но о семъ убо толика довлѣють, нынѣ же ко второму псалму, аще годѣ есть, придемъ и разсмотримъ, аще убо зрится что въ немъ взысканію достойно. Азъ же поставленъ есмь, рече, царь отъ него надъ Сіономъ горою святою его, воз-

---

<sup>1)</sup> Матѣ. 25, 18.

<sup>2)</sup> Псал. 9, 18.

вѣщія повелѣніе Господне <sup>1)</sup>. Достойно убо есть изъяснити, кто есть сіа и о коемъ глаголей. И убо глаголемъ, яко самъ блаженный Давидъ Духомъ Святымъ озаряемъ предглаголавъ повыше, еже отъ Бога и Отца, уничиженіе и посміяніе восхотѣвша отринуть честь едиnorodнаго Сына его, имиже безума хвалящеся глаголють: расторгнемъ узы ихъ и отверземъ отъ насъ иго ихъ, сихъ предрекъ божій тайноглагольникъ приводитъ, вѣщія отъ лица самого едиnorodнаго: азъ же поставленъ есмь царь отъ него надъ Сіономъ горою святою его. Достойно убо здѣ въискovati два сіа: како царь поставляется отъ Отца царь сый всѣхъ аки и содѣтель и съцарствующий присно Отцу и Духу Святому, якоже Богъ собезначаленъ имъ и съприсносущенъ, и второе по семъ въискovati лѣпо есть: аще убо вся языки вкупѣ достояніе приѣмлетъ отъ Отца и одержаніе свое конца земли, якоже въ послѣдствующихъ слышимъ, како наки глаголетъ: азъ же поставленъ есмь царь отъ него надъ Сіономъ горою святою его. Вѣмы же, яко Сіонъ гора, на нейже созданъ бѣ Вышнему Соломономъ царемъ пресловутый храмъ. внутрь есть Іерусалима, егоже ради іудейскія страны точію сказуются царь, а не всѣхъ языцѣхъ. И къ первому убо въисканію глаголемъ: зане яко Богъ сый равенъ Отцу и Духу Святому иматъ присносущнѣ царствіе всѣхъ. приѣмлетъ же сіе отъ Отца и яко челоуѣкъ уже бывъ почестъ и мзду, аки много трудився челоуѣколѣпнѣ и добръ подвигся на земли и смерть

---

<sup>1)</sup> Псал. 2, 6.

вкусивъ за славу Отца своего и за спасеніе всѣхъ человѣкъ. Но сіе убо сиче разрѣшися, а еже глаголетъ по семъ: надъ Сіономъ горою святою его, сиче подобаетъ писати же и чести: азъ же поставленъ есмь царь отъ него, здѣ точка большая да поставится, да будетъ глаголемое сичевое: азъ же, рече, яко чловѣкъ бывъ совершенъ, царь поставленъ есмь отъ Отца моего, достояніе примъ и удержаніе всю подсолнечную, а не точію іудейскую землю, а послѣ точки яже здѣ глаголати, яко отъ иного начзла: надъ Сіономъ горою святою его, возвѣщая повелѣніе Господне, еже есть во Іерусалимѣ во храмѣ Бога и Отца моего уча іудейскій языкъ и открывая имъ повелѣнная мнѣ отъ Отца моего глаголати къ нимъ съ необиновеніемъ. якоже самъ глаголетъ: азъ заповѣдь пріяхъ отъ Отца моего, что реку, что возглаголю; но еже убо писати и глаголати: азъ же поставленъ есмь царь отъ него, точка совершенна да поставится; таже писати и глаголати: надъ Сіономъ горою святою его возвѣщая повелѣніе Господне. Толика и о семъ довлѣють. Время къ 7 псалму пріити и еже въ немъ необычнѣ глаголемое изъяснити, глаголетъ бо, аки хваляся: не убоюся отъ темъ людій, окрестъ нападающихъ на мя <sup>1)</sup>). Какое сіе глаголеши, о блаженне пророче? ибо лѣта довольна бѣгалъ еси, гонимъ отъ Саула, убити тя ищущаго, и приходаше отъ дубравы въ дубраву и отъ горы въ гору и отъ языка иноплеменника во языкъ инъ, ловленій Сауловыхъ и навѣтъ избывая? Но не о

---

<sup>1)</sup> Псал. 3. 7.

себѣ, рече, сія глаголю, похваляяся, о чтецу! азъ бо не токмо Саула бояхся и бѣгахъ и кряхся въ горахъ и въ пещерахъ и въ дубравахъ, но и Авессалому сыну моему воставшу на мя не стерпѣхъ ярость его, но бѣгунъ отъидохъ пѣшъ, оставивъ всю царскую славу мою, но сія глаголю аки отъ лица самого воплощагося Бога Слова Господа Бога моего, на ньже ни единъ ниже два царіе. якоже Саулъ и Авессаломъ на мя, но иже вездѣ во всей вселеннѣй царіе язычестіи и князи и велможи и избѣгшійся нанъ языкъ іудейскій восташа, тщашеся единодушно истребити отъ лица всея вселенныя божественное и покланяемое имя его, не его самого, въ тѣлѣ суца, гоняще.— сіе бо единою отъ іудеехъ подъятъ крестомъ осудившихъ его,—но вѣрующими въ него благочестивыми языки, ихъ же не престаша гоняще и всякими различными муками озлобляюще ихъ, богочтомыя ради вѣры, яже въ онъ, о нихъ же глаголетъ Господь: обышедше обыдоша мя аки пчелы сота, и разжегошася, яко огонь въ терніихъ, азъ же, рече, именемъ Господнимъ противляхся, имъ <sup>1)</sup>, и паки глаголетъ, моляся ко Отцу и Богу своему: востани Господи, спаси мя, Боже мой, яко ты поразилъ еси вся враждующая ми всеу, зубы грѣшникомъ сокрушилъ еси <sup>2)</sup>. И добръ зубы грѣшниковъ именуеть неистовыхъ благочестивыхъ гонителей царя и властеля и богоборныя князи поборниковъ явльшихся и защитителя службъ скверныхъ бѣсовъ,

---

<sup>1)</sup> Псал. 117, 12.

<sup>2)</sup> Псал. 3, 18.

ихъ же и грѣшники именуеть, имиже аки зубы нѣкими гонителями тшахуся истребити отнюдь благочестивый языкъ вѣрующихъ во Христа Бога; но Богъ и Отець сокрушилъ есть таковыя губительныя зубы ихъ, вѣрующихъ же во Христа Бога благочестивыхъ людей и возвысилъ и прославилъ есть; тѣмъ же и глаголетъ: ты же Господи, заступникъ мой еси и слава моя и вознося главу мою, и приводитъ, глаголя: Господне спасеніе и на люди твоя благословеніе твое. Тому слава во вѣки вѣковъ. Аминь. Смотри же инде: въ ꙗ҃с-мъ псалмѣ, при концѣ, глаголетъ: нога моя ста на правотѣ, во церквахъ благословлю тя, Господи. Ищу учитися, каково убо исправленіе и похвала священнѣй пророчестѣй души, яко нога тѣлеси его ста въ правотѣ, сирѣчь на равнѣ мѣстѣ и гладцѣ, ни едино бо намъ ниже исправленіе елико въ Бога, ниже паки осуженіе или на равнѣ и правѣ, или на неравнѣ и стропотнѣ мѣстѣ ногу нашу утвержаемъ: что есть убо тайнѣ глаголемое блаженнымъ пророкомъ, рассмотримъ же сиче. Всѣмъ псалмомъ симъ исповѣдаяся Господеви и яже по Бозѣ исправленія своя предъ нимъ исчисляя, яко благоугоди ему во истинѣ, еже есть по святыхъ заповѣдѣхъ его всяку правду содѣявъ и возненавидѣвъ всѣхъ, иже лукава и нечестива помышляющихъ, яко не сосѣдѣти николиже съ ними, ниже снити съ ними въ беззаконныхъ дѣяніихъ, приводитъ глаголя: Господи, возлюбихъ благолѣпіе дому твоего и мѣсто селенія славы твоея. Селеніемъ же мѣстнымъ славы его и благолѣпіемъ дому уразумѣемъ горній Іерусалимъ, о немъ

же глаголетъ апостоль Евреомъ <sup>1)</sup>: но приступисте Сіону горѣ и граду Бога живаго, Іерусалиму небесному. емуже благолѣпіе и красота неизреченна, тмы ангель окружающихъ его и торжество и соборъ первородныхъ писаныхъ на небесѣхъ и духи праведныхъ совершившихся. Сихъ всѣхъ желая получить, блаженный сей пророкъ молится, глаголя: да не погубиши съ нечестивыми душу мою и съ мужи кровей животъ мой; таже, аки сказую, которіи суть сіи, глаголетъ: ихъ же въ рукахъ беззаконія и десница ихъ исполнися мзды. тацы же суть вси обидливѣи а лихоимцы и хищницы чюжихъ имѣній, иже безъ сытости лихоимствуютъ нищія и убогія, вдовицы же и сироты и всякія козни и клеветы помышляющи на неповинныхъ, да имѣнія ихъ разграбятъ. Оле нечестія ихъ! горе имъ во истину! зане и нечестивыхъ горчайше мучими будутъ, аще убо неложно есть покланяемо владычнее слово, глаголющее <sup>2)</sup>: рабъ, увѣдѣвый волю господина своего, и не сотворь ея, биенъ будетъ много, сирѣчь многими горкими муками пострадати будетъ, не избавигъ души своея отъ негасимаго огня <sup>3)</sup>: открывается бо, рече, отъ небеси гнѣвъ Божій на всяко нечестіе и неправду челоувѣковъ и прочая. Да не погубиши мя, рече, о Владыко, съ сипцевыми, зане азъ въ незлобіи моемъ ходихъ, сирѣчь, николиже николиже зла не хотѣхъ. ниже содѣяхъ, всякою правдою ходихъ; избави мя.

---

<sup>1)</sup> Евр. 12, 22.

<sup>2)</sup> Лук. 12, 47.

<sup>3)</sup> Римл. 1, 18.

рече, Господи, и помилуй мя. Нога моя ста на правотѣ, сирѣчь благочестивый помысль души моей выну въ правотѣ. еже есть въ правдѣ твоихъ святыхъ заповѣдей утвердися неуклонно и николиже преступихъ едину твоихъ спасительныхъ заповѣдей; сего ради и азъ едину сію противу прошу благодать отъ твоея благодати, не погуби съ нечестивыми душу мою и съ мужи кровей животъ мой, но суди ми, Господи. зане азъ въ незлобіи моемъ ходихъ, и на тебе, Господи, уповахъ, и не изнемогу. Сихъ сице изъявленныхъ, посмотримъ, аще годѣ есть и глаголемое въ лѣ-мъ псалмѣ: богатіи обнищаша и взалкаша, взыскающіи же Господа не лишатся отъ всякаго блага. Како убо сіе уразумѣмъ и правѣ разсудимъ, да явимся истинствующе, а не лжуще? аще бо сице простѣ пріемлемъ. лжа явится проявлена, ниже бо Авраамъ, ни Исаакъ, ни Іаковъ, ниже той самъ глаголай сія, обнищаша коли, сопротивно же паче преизобиліемъ всяческихъ стяжаній кипяху и обливахуся, ниже паки вси взыскающіи Господа всякаго блага наполнишася. И свидѣтель неложень глаголай <sup>1)</sup>: даже бо до настоящаго часа и алчемъ и жаждемъ и наготуемъ и скитаемся. Како убо се прямѣ разсудимъ? Духовнѣ сіе уразумѣмъ, можетъ бо и сице уразумѣтися: богатыхъ убо преже бывшихъ въ духовныхъ дарованіи(хъ) языкъ іудейскій глаголатися иже въ сытость богатяху въ догматѣхъ, яже о неблазненомъ богоразуміи и пророчествѣй благодати, свыше сходящей на священныя пророки ихъ, ихъ же всѣхъ обнажишася

---

<sup>1)</sup> 1 Кор. 4. 11, 12.

опослѣ за нечестіе ихъ, еже дерзнуша на Спаса всѣхъ и Бога Христа; взыскающихъ Господа, презобилующихъ всякими благами духовными, да разумѣимъ вѣровавшихъ во Христа: апостоли, пророки, мученики, преподобныхъ и праведныхъ всѣхъ вкупѣ христоименитыхъ людехъ, на нихъ же пришелъ всесвятый Духъ исполнилъ и всегда наполняетъ всяческими дарованіи божественныя премудрости и разума. Можетъ же и инако разумѣтися: богатыхъ убо собирающе въ житіи семь сокровища велія себѣ отъ хищенія и неправды и всякаго лихоиманія и всякою блудною пищею и сладостями плоти себе скотолѣпнѣ препитающихъ, иже въ будущемъ всѣхъ сихъ лишени будутъ и воспріимуть, вмѣсто сихъ, лютая мученія, якоже неложная уста неумытнаго Судіи глаголють: горе вамъ, богатымъ, яко отстоите, сирѣчь воспріемлете, здѣ ваше утѣшеніе, горе вамъ насыщаемымъ, яко взалчете, горе вамъ смѣющимся, яко восплачете и возрыдаете, взыскающихъ же Господа и всякаго блага духовнаго въ сытости исполняемыхъ разумѣемъ тѣхъ, елицы красныхъ міра сего и маловременнаго житія самовольнѣ не брегуть, полученія ради и наслаженія соблюдаемыхъ праведныхъ на небесѣхъ неизреченныхъ благъ, яке око не видѣ и ухо не слыша и на сердце челоуѣку не въздоша <sup>1)</sup>, ихже буди намъ получитьи со всѣми праведными. Аминь. Достойно же и сіе изъяснити тебѣ, еже глаголется въ лѣ-мъ псалмѣ: возвратихся на страсть, егда унзе ми тернѣ. Есть же глаголемо сичево: побѣжденъ бывъ похот-

---

<sup>1)</sup> 1 Кор. 2, 9.